


## Euskal AEko BPG hiruhileko arteko %0,5 murriztu da 2012ko laugarren hiruhilekoan

### Urte osoan BPG %1,2 murriztu da

Euskal AEko Barne Produktu Gordinak (BPG) %0,5eko murrizketa izan du 2012ko laugarren hiruhilekoan aurrekoaren aldean, urtaro- eta egutegi-eraginak deskontaturik, Eustaten aurrerapen-datuen arabera. Hiruhilekoen arteko negatiboa bosgarren aldiz jarraian da, eta hirugarren hiruhilekokoa bezainbestekoa. Espainiako ekonomiaren hiruhilekoen arteko aldakuntza, Estatistikako Institutu Nazionalak aurreratutako datuen arabera, %-0,7 izan da.

Aurreko urteko hiruhileko beraren aldean, %1,7koa da murrizketa, hirugarren hiruhilekoan baino bi hamarren gehiago. Espainiako ekonomiarako, %-1,8.

BPGren hazkunde-tasak ( % ). Euskal AE



Urtaroren eta egutegiaren eraginetatik zuzendutako datuak  
Iturria: Eustat. Hiruhilekoko Kontu Ekonomikoen aurrerapena. Erreferentzia urtea, 2010

Eskaintzaren ikuspuntutik, sektore guztiek dute urte arteko negatiboa, lehen sektoreak izan ezik. Zerbitzuen sektorea positiboan zegoen urteko erdialdera arte; orain, bigarren hiruhilekoz jarraian, tasa negatiboak ditu bai urte artean, bai hiruhileko artean.

Enpleguak, dedikazio osoko baliokidetzako lanpostu gisa neurturik, behera egin du areago, bai aurreko urteko hiruhileko beraren aldean (%-3,1), bai aurreko hiruhilekoaren aldean (%-1,0).

2012. urterako BPGren aldakuntza %1,2ko beherakada dela zenbatetsi da.

---

**Argibide gehiago:**

[Euskal Estatistika Erakundea / Instituto Vasco de Estadística](#)

Donostia-San Sebastián, 1. 01010 Vitoria-Gasteiz

Tel.: +34-945-01 75 00 Faxa: +34-945-01 75 01 Helbide elek.: [eustat@eustat.es](mailto:eustat@eustat.es)

Harremanetarako pertsona: Javier Aramburu

Tel.: +34-945-01 75 80 Faxa: +34-945-01 75 01

[Euskal AEKo Hiruhilekoko kontu ekonomikoen aurrerapenaren gaineko prentsa-ohar gehiago](#)

[Euskal AEKo Hiruhilekoko kontu ekonomikoen aurrerapenaren gaineko datu-bankua](#)